



**Sámi
allaskuvla**

Oahppoplána

Sámi sosiolingvistihka perspektiivvat ja lahkonanvuogit

SÁM 318

10 oahppočuoggá



1. Oahpu namma

Sámegillii: Sámi sosiolingvistihka perspektiivvat ja lahkonanvuogit

Dárogillii: Perspektiver og tilnærminger til samisk sosiolingvistikk

Eangalgillii: Perspectives and approaches to Sámi sociolinguistics

2. Oppalaš dieđut oahpu birra

Oahpu koda: SÁM 318

Dássi: Master

Viidodat: 10 oahppočuoggá

Galli lohkanbaji badjel: 1

Oahpu lágideapmi: Neahttadoarjjaoahpahas: Oassi oahpahasas lágiduvvo fysalaš deaivvadeapmin Guovdageainnus, ja oassi neahttaoahpahasas.

Fágalaš latnjalasvuohta: Oahpus lea 10 oč fágalaš latnjalasvuohta ovddeš SÁM 313 Sámi sosiolingvistihka (10 oč) oahpuin.

3. Oahpu gullelašvuohta

Oahppu gullá Sámegeiela ja sámi girjjálašvuođa masterprográmma váljakurssaide.

4. Sisabeassangáibádusat

Ohccis galgá leat sámegiela ja sámi girjjálašvuođa bachelorgráda dahje vástideaddji oahppu. Gáibiduvvo, ahte ohccis leat 90 oahppočuoggá čiekŋudanoahput sámegielas eatnigiellan. Bachelorgráda gaskamearálaš árvosátni galgá leat C dahje buoret. Studeanttain, geain lea cand.mag.-dutkkus, galgá leat sámegielas gaskamearálaš árvosátnin 2,7 dahje buoret.

5. Oahpahas- ja eksámengiella

Davvisámegiella lea váldo oahpahas- ja eksámengiella. Eará sámegielat ja suoma-, ruota-, dáro- ja eangalsgiella sáhttet adnojuvvot omd. guosselogaldallamiin.

6. Sisdoallu

Oahpu sisdoallu huksejuvvo sámegiela ja sámi girjjálašvuođa bachelorprográmma gielladieđalaš oahpuid ala. Sisdoalu lea muhtun muddui vejolaš heivehit studeantaid ovddeš diehtodási ja dutkanplánaid mielde. Oahpu ulbmil lea oahpásnuvvat čuovvovaš gažaldagaide sosiolingvistihka suorggis: kvantitatiivvalaš ja kvalitatiivvalaš dutkanmetodat, gielaid ceavzinnávccat ja daid

árvvoštallan, giellaideologiiat, giellapolitihkka, giellarievtit ja giellaplánen. Oahppu addá mánggabealat gova sosiolingvistihka perspektiivvain ja lahknanvugiin, ja daid vuodul studeanta hártána árvvoštallat sámeservošiid ja eará joavkkuid giellasosiologalaš dárbbuid ja viggamušaid.

7. Oahppanjoksosat

Oahpu čađaheami maŋgel lea studeanta olahan čuovvovaš oahppanjoksosiid:

Diehtu:

Studeanta

- dovdá sosiolingvistihka guovddáš teoriijaid
- dovdá sosiolingvistihka guovddáš dutkanmetodaid
- ádde daid historjjálaš duogážiid ja otnábeavvi dárbbuid, mat leat mihtilmasat áitatvuloš eamiálbmotgiellaide

Máhttu:

Studeanta

- bastá oassálastit fágalaš ságastallamii sosiolingvistihka suorggis
- máhtá árvvoštallat giela ceavzinnávccaid
- máhtá analyseret fáktoriid, mat váikkuhit sámeservošiid ja eará joavkkuid gielladilliide ja giellaid ovdánahttimii

Oppalaš gelbbolašvuohta:

Studeanta

- máhtá plánet giela nannen- ja ealáskahttindoaimmaid
- bastá analyseret sosiolingvisttalaš dutkamuša teorehtalaš rámmaid, perspektiivvaid ja metodaid

8. Oahpahan- ja oahppanvuogit

Logaldallamat, hártjeusat, studeantaid čálalaš barggut ja bargoseminárat.

9. Gáibádusat beassat eksámenii

Čuovvovaš gáibádusat leat eaktun beassat eksámenii:

- studeanta lea searvan unnimustá 80% oahpahussii
- čállit guokte unnimustá 4-siidosaš čálalaš barggu lohkanmeari ja/dahje logaldallamiid vuodul
- ovdanbuktit čálalaš bargguid bargosemináras
- juohke bargosemináras fágalaččat kommenteret unnimustá ovtta mielstudeantta barggu

Gáibádusat galget árvvoštallojuvvon ja dohkkehuvvon maŋemusat 2 vahku ovdal eksámena.

10. Eksámen

Eksámen lea 2-vahkkosaš čálalaš ruovttubargu sosiolingvisttalaš fáttás. Čállosa guhkkodat lea 10–13 siiddu.

Árvvoštallan: Árvosátni A–F.

11. Leago privatisttain vejolaš váldit dan oahpu?

Ii leat.

12. Kvalitehtasihkkarastin

Čujuhuvvo Sámi allaskuvlla kvalitehtasihkkarastinvuogádahkii ja dasa makkár vejolašvuodát ja geatnegasvuodát studeanttain leat árvvoštallat Sámi allaskuvlla oahppofálaldagaid ja bálvalusaid kvalitehta. Studeanttain lea geatnegasvuohhta searvat árvvoštallamiidda mat leat oassin kvalitehtasihkkarastinvuogádagas.